



MINISTÉRIO DO PETRÓLEO E RECURSOS MINERAIS

Respostas ba Perguntas Politikas Ministerial

Politika ba gestaun Rekursu Petrolifero no Mineralis Timor Leste nian.

Hanoin boot ida mak oinsa ita utiliza ita nia rekursus petroliferos no mineralis ba dezvoltimentu Nasaun nian? Saida mak ita iha? Oinsa explora? Se mak explora? Nst..

Prosesu gestaun rekursu petroliferos no mineralis kompleksu lahalimar iha nivel teknjku, komersial, legal, ambiental no geopolitika tamba presiza capital boot no tenke gere riskus nebe halo parte industria ne'e. Factores importante hodi hetan gestaun diak mak rekursu umanus professional ho experiencia, instituisoens forte ho boa governasaun. Prosesu sira hotu presiza tempo naruk atu kria baze legal, dada investors, harii instituisoens no infraestrutura relevantes, dezvoltolve rekursu umanus. Timor Leste mai ho politika 4 bainhira halo gestaun ba nia rekursu petrolifero no mineralis. 1) Partisipasaun Masimu 2) Benefisiu Masimu 3) Diversifikasaun 4) Boa Governasaun.

Atu hatan ba perguntas husi Distintos Deputados, favor haree ba anexu husi Instituisaun ida-idak.

Perguntas Nebe MPRM hetan

P:Haruka estudantes sira ba estuda fila mai la hetan servisu?

R: Husi total estudantes 190 nebe halao estudu iha areas : Geologia, Petroleo, Geofisica, Ambiente, kimia iha Australia, Portugal, Thailandia, Malaysia, Norwegia no Indonesia , remata ona estudu 155 estudantes:

- Hetan ona servisu 101;
- Status seidank update 51;
- Kontinua estudu 3;
- DO 28

P:Pilotos sira nia kondisaun no bainhira mak sira bele hodi avião presija explikasaun?

R: Engeral ita nia piloto sira nebe hotu ona semo ona oras 200-250 sira bele semo aviaun kiik maibe atu semo aviaun nebe boot oitan tan presiza halo tan treinu no aumenta tan



MINISTÉRIO DO PETRÓLEO E RECURSOS MINERAIS

oras semo. Normalmente iha faze nee sira ba serbisu ona iha kompania aviasaun ruma. Informasaun konaba ita nia piloto sira mak tuir mai nee:

Total estudantes hetan bolsas iha area pilotos hamutuk 16 :

- Aero Flyer Institute Jakarta Indonesia pilotos ba avião Fix Wing nain 3. Nain 3 remata ona kursu pilotagem iha 2014 no kontinua ho kursu instruktur piloto. Iha 2016 Piloto feto 2 sai ona hanesan instruktur no kompanhia Aero Flyer Institute atu emprega sira hodi hanorin piloto foun sira;
- BasAir – Avião Comercial nain 5: nain 2 iha Air Timor e tolu iha aviasaun civil;
- Beckers Helicopter 4 pilotos hetan licensa hanesan piloto helicoptero iha Australia , Governo liu husi MPRM e FDCH buka meios loke konkursu ba kompanhias de aviasaun hodi aumenta tan 30 horas semo liliu iha Timor Leste nune e pilotos sira bele konhese ambiente territorio iha Timor Leste;
- APFT Kota Bharu Malaysia- estudantes pilotos ba Helicoptero nain 4 halao hela treinamentu.

Ohin loron atu hetan serbisu iha area rekurusu naturais tenke kompete makaas. Lian Ingles tenke makaas no iha experiensia serbisu relavante ruma.

Iha 2017 MPRM sei halo esforsu atu ajuda boiseira hirak nee hetan serbisu. ho programa internship no work experience.

Funsaun Task Force Veteranos ?

MPRM harii Grupo de Trabalho(Taskforce), Tuir Diploma Ministerial No. 15/2014, 18 de Junho 2014 hodi fo apoio ba implementasaun programas/projetos ho durasaun limitado neebe liga ba setor Petróleo e Recursos Minerais. Liu husi taskforce nee grupo Veteranos bele partisipa iha desenvolvimento sector ida ne'e tuix disseminasaun informasaun, monitor prosesu balun no involve iha actividades ba interese nasional



Address: Ground Floor East Wing of Palácio do Governo Edifício n.º 1
Avenida Marginal, Dili, Timor-Leste, PO Box 113, Telephone: +670 3324 098 Facsimile: +670 3324 082

RESPOSTA HUSI ANPM

Baseia ba MPRM nia Audensia ho PN-komisaun C & D ihaloron 28 Otubru 2016, kona ba asuntu ezekusaun orcamentu ba 2016 nomos orsamentu ba 2017, tuir mai ANPM haktuir pergunta ne'be hato'o husi membru parlamentu sira, nomos ho ANPM nia resposta.

Deputada Fernanda Lay:

- Iha Mota Manatutu Lacro iha estrangeiru balun servisu iha neba, nomos tau bandeira Malaysia. Husu MPRM atu esplika servisu seda mak halo iha neba, nomos usa fali bandeira Malaysia?

Resposta:

Governo Timor-Leste asina memorandu de intendementu ho kompañia Timor oan nian ho naran Worldview Enterprise, Unipessoal Lda. ne'ebe halo konsorsiu ho kompañia Nautilus Synergy sdn. bhd. husi Malaysia hodi halo aktividade prospesaun ba mateirais konstrusaun iha mota Laklo nomos atividade normalizasaun ba mota Laklo. Atu halo aktividade prospesaun iha terrenu, kompania rua refere kria fali kompañia Timmas Sri Makmur Mining, Lda registu tuir lei Timor-Leste hanesan entidade implementador hodi halo atividade prospesaun iha mota Laklo nomos atividade normalizasaun ba mota Laklo. Nain ba kompañia Timmas Sri Makmur Mining, Lda ne'e husi Malaysia entaun kompañia ne'e tau bandeira nasaun Malaysia nian iha sira nia fatin servisu iha mota Lacro.

- Iha ANPM nia relatoriu ba ezekusaun 2016 to iha fulan Setembru hamdu katak iha Kapital Menor iha 293% ba ezekusaun. Sebele esplika tok tamba sa mak ezekusaun bo'ot liu orsamentu?

Respostu

Tabela ezelesaun 2016 to iha fulan Setembru mak tuir mai ne e

Actual Ezelesaun Orsamentu 2016 to Fulan Sept 2016			
DESPESA/OSAN SAI	Total Budget	Total Exp	% YTD Spent
Kustu Empregu	\$ 2,478,930.09	\$ 1,501,620.23	61%
Viagem Ofisial	\$ 316,408.00	\$ 204,020.79	64%
Dezenvolvimentu Rekursu Humanu	\$ 539,834.00	\$ 264,278.68	49%
Konsultari	\$ 1,661,400.00	\$ 779,582.44	47%
Administrasaun Geral	\$ 1,150,309.96	\$ 653,281.18	57%
Kapital Minor	\$ 111,000.00	\$ 325,694.19	293%
Depreciation & amortisation	\$ 375,601.07	\$ 363,444.41	97%
Kontinjensia	\$ 199,004.52	\$ -	0%
Total	\$ 6,832,487.64	\$4,091,921.92	60%

Ezelesaun ba Kapital menor iha fulan Setembru hamutuk \$325,694.19 ekivalenteba 293% ezelesaun.

ANPM nia plano ba halo asset foun hamutuk \$111,000.00 to 'o iha fim de ano 2016. Orsamentu ida ne'e inkluidu asset foun hanesan kareta ba Diresaun Minerais nomos ba software upgrades. Entertantu, orsamentu \$214,694.19, ida ne'be aumenta ba halo hamutuk sai tiha 293% ba ezelesaun ne'e, mai husi troka ou replacement ba asset tuar ne'be akumulatiha ona ba 0 (zero) depresiasaun. Orsamentu ida ne'e, ANPM foti husi orsamentu tinan-tinan ida nebe aloka ba Depreciation & amortization, ida ne'be ita boot sira bele hare iha tabela iha leten.

Ezelesaun ba orsamentu ida nee, ANPM aloka ba Kapital Menor hodi nune asset sira nebe troka hodi bele sura fali asset nee nia depreciation no amortization iha ANPM nia sistema financeira. Se karik ANPM la aloka ezelesaun ida nee iha Kapital Menor, ANPM bele hetan difikuldade atu sura asset nia depreciation no amortization wainhira troka asset ida nee ho valor 0 (zero)

Ba distintos deputados nia informasaun, ANPM tinan-tinan halo auditoria ba ANPM nia sistema financeira. Auditoria ne'be halo, mai husi external party ida ne'be ANPM hetan iha husi konkursu publiku. ANPM nia relatoriu finansia ida ne'be audit ona. ANPM sempre fo sai iha ANPM nia Relatoriu Anual iha ANPM nia website, nomos entrega relatoriu auditor ba Tribunal de Contas.

Deputado Francisco Branco:

- Kompanha hira ona mak halo ona eksplorasaun ba Minerais iha teritorio Timor - Leste?

Resposta:

Tuir dadus registu iha ANPM, iha mudansa ba maneru kompañia minerais sira ne' ebe halo aktividade extrasaun (explorasaun) ba materiais konstrusaun, hanesan fatuk, raihenek no mos tahu mutin ka white clay husi tinan ba tinan desde tinan 2003. Dadus iha tinan 2016, too data 10 Novembru, hatudu katak iha total kompañia rua nulu resin tolu (23) mak halo explorasaun ba materiais konstrusaun. Husi numeru kompañia ne' e iha lisensa hamutuk tolu nulu resin tolu (33) mak registu ona iha sistema ANPM nian. Aleinde ne' e ANPM mos hasai ona aprovasaun ba fatin (Location Approval) no to'o tempu hatan perguntas ne' e mos prosesa hela aplikasaun ba kompañia hamutuk rua nulu resin hat (24) hodi bele kontinua prosesa no hasai lisensa extrasaun iha fulun balu ba oin.

Tuir dadus ne' ebe apresenta iha leten, numeru lisensa barak liu numeru kompañia tamba kompañia ida bele iha lisensa liu husi ida ba materiais konstrusaun fatuk ka raihenek.

Deputada Maria Angélica Rangel da Cruz :

- Iha 2013/2014 Conoco Philips halo furasaun ba posu rua e tamba sa mak governo tengki selu fali kustu ba perfurasaun hamutuk \$120 miliao tamba mina la'ia.

Resposta:

Sistema PSC nebe maka Timor-Leste ho Australia adopta iha kontratu Miniarai iha area konjunta mak Kontratu Fahe Produsaun (PSC). Tuir sistema Kontratu Fahe Produsaun, despeza hotu ne' ebe kompañia halo ba explorasaun, dezenvolvimento no mos produsaun sei rekopera fali tuir mekanismu kontratu.

Deputado Jorge Teme:

- Mina tama iha Timor - Leste liu husi jalan tikus no seluk tan. Tamba sa mak la kontrola kona ba mina ilegal tama iha timor - Leste.

Resposta:

ANPM midar instituisaun do Governo halaa supervisaaun, inspestaun no fiskalizasaun ba atividade downstream hahu kedat husi estabelesimentu regulamentu tekniku kona-ba Padraun no Especificasaun Kualidade Ba Kombustivel, Biokombustivel no Lubrifikante Sira. Iha regulamentu ne' e estobelase ona Especificasaun Kualidade Bu Kombustivel rua maka hanesan Gasoleu nomos Gasolina, katak Sei bele de'it importa, fornese, komersializa no utiliza iha Timor-Leste, Kombustivel, Biokombustivel no Lubrifikante sira ne' ebe kumpri ho espezifikaun sira previstu iha Regulamentu ida-ne'c. Aiu kontrola distribuisaun produktu rua mak temi iha

leten hodi asegura kualidade kombustivel ba merkadu ANPM halao.

- 1. Inspesoun kualidade kombustivel dala ida iha tinan ida nia laran. katak sei halao Inspesoun aleatoria hodi hare kulaidade kombustivel ne'ebe sirkula iha teritoriu laran.*
- 2. Fo aprovasaun previu ba kualker ema singular ka kolektivu ida ne'ebe planu atu importa kombustivel rua ne'ebe temi iha leten. katak molok importa Gasoleu nomos Gasolina mai teritoriu Timor-Leste sei apresenta uluk sertifikadu kialidade produtu no sei hetan uluk aprovasaun husi ANPM mak foin bele transporta Kombustivel mai teritoriu.*
- 3. Halao koperasaun ho APORTIL nomos ALFANDEGA terrestre no Maritima atu asugura rekeztus husi Padraun no Espesifikasaun Kualidade Ba Kombustivel, katak wainhira hetan ona aprovasaun husi ANPM hafoin haruka notifikasaun ba instituisaun rua temi iha leten atu autoriza kombustivel tama iha teritoriu.*
- 4. ANPM identifika distribuisaun Keresene (Mina rai tein) no Gazolina ho GRADE RON 88 iha Zonas frontierisas. ANPM iha nia follow up action ho ALFANDEGA no halo sorumutu ho Administrador Municipiu, Administrador do Postu e Suco sira ne'ebe iha parte Oeste (Maliana, Suai no Liquica) kona-ba distribuisaun kombustivel sira temi iha pontu 4 husi atu informa mai ANPM bainhira hetan kazu kona ba mina ilegal.*
- 5. Iha ANPM nia data ba fiskalizacao kona-ba rejistu, so deit Pertamina International Timor, SA, maka importa Kombustivel liu husi fronteira tereste hanesan produtu JetA1 nomos Gaz husi Petroleu Likefeitu (LPG). Laiha tan kompanha seluk mak hatam mina husi fronteira tereste legalmente.*

Deputada Virginia Ana Belo:

- Kompanha hira ona mak halo perfurasaun iha area Timor-Leste no JPDA?**

Respostas:

Iha pasado companha oleo sira halo perfurasaun iha Rai Maran hamutuk 20 posus, nomos iha iasi laran area Timor nian hamutuk posu 3 ida nebe fura husi companha ENI, Reliance nomos Burma Oil.

Entertansu, iha area JPDA hamutuk 50-etak posus ona mak fura husi kompanha sira hanesan Conoco-Phillips, Woodside, BHP, Shell, Petronas, Oilex nomos ENI Husi 50-etak posus nee, 23 % mak suceso hetan mina hodi halo produसान. Normalmente iha mundu, 10% husi posu nebe fura mak hetan mina ue konsidera hanesan area prospetivu no suceso



Instituto do Petróleo e Geologia – Instituto Público (IPG)

Resposta husi IPG ba Perguntas

Husi Membro Parlamento Nasional de Timor Leste

Komisaun C no D

28 de Outubro de 2016

Sra. Deputada Fernanda Lav

1. Plantasaun seismometru permanente ida iha Manatutu no GPS permanente ida iha Maliana maibe iha ona 8 Seismometru plantadu iha Timor. Tamba sa?

Resposta:

Plantasaun 8 seismometru ne'ebe oras ne'e dadaun instala hela iha diferentes áreas iha Timor, mai husi acordo ida ne'ebe mak IPG halo ho University of Southern California (USC) iha tinan 2014, ho objetivu cientifiku akademiku, especialmente atu responde ba tese mestrado no doutoramentu estudantes sira nian. Seismometru 8 ne'e mos ho karateristika manual, móvel no temporário, ekipamentus sira ne'e bele hasai fali tuir acordo kuando atingi ona programa no estudo ba iha região Timor. Seismometru sira ne'e proprietários Servicos Geológicos Estados Unidos (USGS) nian.

Beneficio husi acordo ida ne'e mak, funcionários técnico IPG, hetan oportunidade atu servisu diretamente ho equipamentos seismometro, foti dados, processa dados no halo interpretaun ba dados sira ne'e. Durante existência projeto ida ne'e funcionários teknika IPG hetan mos oportunidade hodi tuir treinamento nebe fo husi USC no USGS. Dados sira nebe mak regista iha ekipamentu, IPG nia funcionário mak rekolha no processa, iha kopia ida IPG haruka ba iha USC no USGS. Durante processo estude nia laran, USC no entidade investigadora USGS hetan informasaun cientifika barak kona ba processos geológico iha rai Timor nebe mak importante tebes ba mundo geocientifiko. Ho ida ne'e USC sugere ba IPG iha tinan 2015 atu bele hetan acesso ba



Instituto do Petróleo e Geologia – Instituto Público (IPG)

iha registo rai nakdoko tempo real, husi entidade mundial sedeada iha Thailand ho naran RIMES (*Regional Integrated Multi-Hazard Early Warning System*). USC sugere mos ba IPG atu planta pelo menos seismometro no GPS diferencial 1, ho karateristika permanente no automatika ligado ho satélite iha Timor. Ekipamento sira ne'e bele hetan suporta husi USGS Iiu husi RIMES. Plano negocio IPG komesa halao ho USGS no RIMES iha tinan 2015 no iha 2016 asina acordo atu planta Seismometer no GPS permanente ida iha Timor, atu nune'e bele mos registra ona informasaun rai nakdoko ba tempo real iha Timor Leste.

2. Oinsa ho kestoens segurança ba ekipamentus sira iha Terreno?

Resposta:

Hanesan normalmente IPG halao ninia atividade de estudo, sempre iha karta ba autoridades locais, autoridades segurança no autoridade religiosa. Iha kasu balun IPG halo socializasaun ba populasaun kona ba atividade saida mak IPG sei realiza iha área indikada.

Procesu hanesan, IPG hala'o ba plantasaun ekipamentu seismometro, ne'ebe mak complementa ho painel solar no instrumentu sensitivu seluk. Para alem de exigência teknika, IPG opta atu ekipamentus sira ne'e tau iha fatin dok husi movimento animal hanesan karau, no iha fatin nebe mak iha assesu estrada hodi bele facilita monitorizasaun no levantamentu dados. Fatin sira ne'e maioria IPG planta besik Konvento religioso, uma autoridade local (chefe suku/aldeia), quartel geral, no iha fatin sira ne'ebe bele kapta lalais rai nakdoko.

To'o oras ne'e dadaun laiha ekipamentu ida ne'ebe mak hetan estragos ou lakon kausa husi ema ou animal. Maioria dos kazus populasaun fo suporta nebe diak no balun voluntariamente tau segurança ba ekipamentus refere.

Sr. Deputado Francisco Branco

1. Tanba sa mak iha adiantamento (*Cash Advance*) nebe hatudu husi relatório Auditoria Externa ba Relatório Anual IPG 2012 ho montante hamutuk 3,977 Milhoes, la iha justifikasaun?



Instituto do Petróleo e Geologia – Instituto Público (IPG)

Resposta:

Montante orçamentu ne'ebe mak la iha justifikasaun tuir relatório Auditoria Externa nian ba Relatório Anual 2012 IPG, hamutuk 3.977 USD (Três mil novecentos e setenta e sete Dólares Americanos). Konaba assuntu ida ne'e, IPG halo esforsu no fo ba Auditoria Externa hodi halo levantamento ida ba *Cash Advance*. Auditoria halo analise kona ba *Cash Advance* hahu husi tinan estabelecimento IPG to'o Maio 2016, ne'ebe consegue hetan justifikasaun ba 3.779 USD..

Sr. Deputado Adriano

1. Kada fulan e Tinan ida arendamentu edifisiu IPG atual iha ho elemloi ne'e?

Resposta:

IPG ho mos suporta MPRM nian, halo esforsu barak hodi buka oportunidade atu hetan propriedade Estadu, hanesan: kampaun Obrigado Barack, CNE nia office antigo, edificios balun iha Komoro, Museum no Hotel Futu/Antigo Mês PEMDA. No fatin balun nebe ami husu apoio husi Ministeriu da Justiça, Terras e Proriedade no Administração Estatal, maibe informasaun ami hetan mak edificios sira ne'e indikadus hotu ona ba ministério ou entidades publikas ida-idak.

Iha parte seluk, desde IPG nia estabelecimento, Ministerio tutela servisu hamutuk ho UNTL hodi fornece fatin ho área 23.000m² iha Kampus Unisversidade Hera, ida ne'e sei sai nafatin prioridade IPG nian atu estabelece komplexu IPG nian.

Entre tantu, agora dadaun IPG hala'o hela ninia atividade iha uma alugado – Elemloi, ho kustu mensal 6,00USD/m² (Seis Dólares por metro quadrado)

Resposta fo husi:

Helio Guterres
Presidente IPG

Rua Delta 1, Arruá, Comarca
Dili, Timor Leste
Fon (670)3340-379
Website www.ipg.tl



Level 5, Timor Plaza, Suje 900 - 314
Rua Presidente Nicolao Lobato, Comoru
Dili, Timor-Leste
T. + 670 331 0953 F. + 670 331 0952
www.timorgap.com

RESPOSTAS TIMOR GAP BA PERGUNTAS KOMISAUN C & D

Audencia ba Orsamentu 2017 - Plenariu, 28 Outubro 2016horas: 10.45am – 15.45pm

Tuir mai sumariu lista perguntas nebeé mai husi Distintos Deputados/Deputadas sira nebeé relacionado ho TIMOR GAP, no TIMOR GAP nia resposta ba perguntas sira neé. Perguntas sira nebeé hanesan ka similares, sei halibur sai perguntas ida deit, no nia resposta iha kedas iha okos.

Perguntas 1: TIMOR GAP nia existencia hahu husi komesa estabesele iha 2011 too agora lori ona tinan 5. Planu assaun TG iha tinan lima nia laran ne mak saida no atingi ona saida (Sr Deputado Aurelio Freitas, no perguntassimilantes husi Deputada Josefa)

Resposta TIMOR GAP

Durante tinan 5 (lima) premeiro nia laran, progresu ba servisu balun nebe mak TIMOR GAP hata'u no atinji mak hanesan tuir mai:

1) DEZENVOLVIMENTU INSTITUSIONAL

TIMOR GAP hani hanesan kompania ida atu involva iha area negosio/bisnis nebe'e sofisticadu no high-technology nebe'e tradicionalmente dominaadu husi kompanias boot internacionais, nebe'e iha rekursus humanus no capital boot. Ne'e desafio boot ida. Konsiente ho desafio ida ne'e, mak TIMOR GAP trasa desde inisiu kelas hodi tau atensau ba hametin no dezenvolve Kapacidade Institucional no Rekursus Humanus. Desde 2011 ta'ohm loran, TIMOR GAP konsege duni estabesele politika, prosedimentus no regras institucional hamutuk iha 12 ona (hanesan Politikas no Prosedimentus ba Trabalhadores, Politikas no Prosedimentus ba Finanzas, Politikas no Prosedimentus ba Prokrumen, Politikas no Prosedimentus ba Travel/Viajens, Valores no Kodigu Konduta, Politikas no Prosedimentus ba IT, Integrated Management System, SAP, no

seluk seluk tan). Aspektu ida ne'e importante tebes para ke hanesan instituisaun ida, TIMOR GAP bele funciona ho normalidade, efikas no eficiente. Ho orgullu, TIMOR GAP bele relata katak Estabelesimentu no Dezenvolvimentu Institucional sira nebe'e TIMOR GAP halao ne'e resulta positivu hodi lori TIMOR GAP hetan Akreditasaun husi ISO 9001-2008, ISO 14000-28, OHSAS 18001, husi DNV (Norwegia + Aleman). Ida ne'e akreditasaun nivel mundial, no TIMOR GAP bele hanesan premeira kompania ka instituisaun Timor-leste nebe'e hetan akreditasaun tolu ne'e dala ida.

2) DEZENVOLVIMENTU REKURSUS HUMANUS

Iha aspektu Dezenvolvimentu Rekursus Humanus, TIMOR GAP konsege hasae nia numeru pesoais (engineirus no profesionais sira seluk) husi 20 e tal pesoas iha inisius 2012, to atinji 105 iha 2015. No konsege halaotreinamentus no formasoes oi-oin hodi hasai no haforsa kapasidade teknika profesional. Iha area ida ne'e mos TIMOR GAP ho orgulla bele relata katak, iha ona Timor oan barak nebe'e iha kapasidade ba haio estudu geologiku no geofisiku ho bele kaikula Reserva ka rekursu Petroleu iha possu explorasaun ka area prospektiva ruma. TIMOR GAP iha tinan 5 nia laran konsege monta software sofistikadus hanesan PETREL, KINGDOM, ECLYPSE no seluk seluk tan hodi bele halo studus Interpretasun Seismic no Kalkulasaun Reserva ano Geological Static Model no Dynamic Model. Liu husi dezenvolvimentu kapasidade ida ne'e mak haio, TIMOR GAP konsege iha tinan 2015 halo RELATORIU IDA KONABA RESERVA LOLOS BAYU UNDA NIAN, nebe'e la hanesan ho buat nebe'e mak Conoco-Phillips dehan.

Liu husi parseiras nebe'e TIMOR GAP halao no kontratasoens nebe'e TIMOR GAP halo ho entidades terseiras sira, TIMOR GAP sempre ejije, nia teknikus sira ba hetan treinamentus no "on-the-job Training". Exemplu, treinamentu, spesialijadu konaba Pipeline iha JP Kenny Engineering, Trainamentu iha PTT Thailandia ba engineeiru prosesamentu refinaria ba tinan rua, treinamentu ba LNG plant iha Bontang, Trainamentu ka secondment iha UK ba design Marine facilities no seluk seluk tan, treinamentu nain 6 iha BGP marine China konaba akizesaun, prosesamentu no interpretasaun dados Seimico, treinamentu nain 3 iha Schlumberger Malaysia ba prosesamentu 3-D seimico.

TIMOR GAP

Level 3, Timor Plaza, Suite 301 - 314
Rua Presidente Nicoláo Lobato, Comoru
DNL, Timor-Leste
T. + 670 331 0953 F. + 670 331 0952
www.timorgap.com

Ohin loron depois de 5 anos existencia TIMOR GAP, Timor oan sira nebe'e servisu iha TIMOR GAP iha kapasidade suficiente no konfiansa hodi bele halao nia servisu professional ho skil no kompetensia suficiente.

TIMOR GAP, ohin loron bele dezafia kualker informasaun teknika, komersial no legal no seluk seluk tan nebe relaciona ho industria petroleo nebe kompanias internasional hanesan (e.g. Conoco, Woodside ka Shell sira) halo, tamba iha esforsu kontinua ho komitementu institucional ba Dezenvolvimentu Kapasidade Rekursus Humanus. Depois de 5 anos, TIMOR GAP senti nia kapasidade aumenta tan duni ona. Nune'e, iha 2016, TIMOR GAP aprova ona nia planu Bisnis/Strategiku ba 20 anos, nebe'e preve aspirasaun kontribusaun TIMOR GAP ba industrializasaun sektor Petroleo Timor-Leste, no preparado atu bele kompete aktivamente iha bisnis ka negosiu petroleo.

3) JERE NO ADMINISTRA PROJETU TASI MANE.

TIMOR GAP hamutuk ho Interministerial jere nafatin Projetu Tasi Mane nebe ita hare katak konstrusaun ba projetu Aere Portu no Auto Estrada atinji ona respetivamente 55% e 10%, no kontratu ba projetu SSB asina tiha ona iha 2015. Servisu ida ne'e laos fasiu, maibe eijje dedikasaun no komitementu hodi, hamutuk ho ekipa teknika interministerial, bele halao aktividades identifikasaun tal no propiedades komunidadas iha parte Kosta Sul nebe'e tama iha area projetu, ho bele halao prosesu verifikasaun no asinatura kontratus transferensia propiedades ne'e mai Governu hodi bele halao projetus. Nune'e, mos iha tinan 5 nia larain, TIMOR GAP konsese halo studus ba atu harii refinaria iha Betano ho kapasidade 30.000 Barrils pur dia. Estudus ne'e detallu no to'o nivel FEED (Front End Engineering Design). Agora dadau kompietala ona Estudu Meio Ambienteal no submetê ona ba ANPM no Diresaun Meio Ambiente iha Ministerio Comercio Industria e Ambiente atu bele hetar Licença Ambiental.

4) ESTUDUS KONABA PIPELINE NO PROJETU LNG HUSI GREATER SUNRISE

Fo apoiu no representa Governu Timor-Leste iha negosiasaun ho Woodside no Australia, hodi maintain nafatin nia posisaun kona ba Pipeline/Kadoras Greater Sunrise bele dada mai iha Timor-Leste liu husi estudos teknikal e komersial ida ne'ebé profundo. Estudos balun ne'ebé mak kompleta ona ba projetu referido mak hanesan: Pree-FEED ba Pipeline (2012), FEED ba Pipeline (2013) inklui DMS (Detailed Marine Survey), FEED ba Marine Facilities (2013), no Pre-FEED ba Planta LNG iha 2015, nomos estudos konaba Impaktu Meiu Ambiente. Los duni Pipeline seidak mai to Timor-Leste, tamba sei iha prosesu negosiasaun (inklui impaktu negosiasaun Fronteira Maritima), maibe *tamba studus teknikus detayllus sira ne'e mak Timor-Leste konsege to'o ohin loron bele argumenta kontra Kompanias Internasional hanesan Woodside no Shell no seluk seluk ka ho Governu Australia konaba possibilidade katak Teknikamente Pipeline bele mai iha Timor-Leste.* Rezultadus balun husi estudu kona-ba pipeline apresenta ona ba Woodside ho nia Joint Ventures sira, no sira la nega kredibilidade husi estudu sira ne'e rasik katak teknikamente laiha problema atu dadapipeline mai Timor-Leste sa tan ho distansia ne'ebé badak liu kompara ho opsaun Darwin nian. Se laiha estudus sira ne'e, ita nia argumentu bele fraku no bele monu tiha ona ba opsaun sira seluk hanesan Floating LNG ka dada fali pipeline ba Darwin!

5) DEFENDE TIMOR LESTE NIA INTERESE IHA JOINT COMMISSION NO SUNRISE COMMISSION

Liu husi Komisaun Konjunta ka Joint Commission, maka Timor-Leste ho nia Komisariu sira bele defende Timor-Leste nia interese oi-oin iha JPDA no Greater Sunrise. Iha tinan 5 nia laran, Komisariu Timor-Leste nia nebe iha iha TIMOR GAP, konsege uja nia influensia no negosiasaun hodi bele asegura interese Timor-Leste iha explorasaun iha JPDA no Greater Sunrise. Exempulu mak, liu husi negosiasaun tinan ida ho balun, konsege konvense Australia no kompania Eni (Italia) no INPEX (Japaun) hodi bele fo partisipasaun TIMOR GAP iha bloko explorasaun naran JPDA 11-106 iha tinan 2013. *Bloku nee identifika ona nia prospectus haat (4) e planu atu komesa hala'o perfurasaun ruo (2) iha tinan 2017 ho estimativa preliminar rekursu liu 100 milloens barils.*

TIMOR GAP

Level 3, Timor Plaza, Suite 301 - 314
Rua Presidente Nicolao Lobato, Comoro
Gili, Timor-Leste
T + 670 331 0953 F + 670 331 0952
www.timorgap.com

Nune'e mos, Timor-Leste negosia no defende utilizaun "good and services" hodi insiste katak Kompania ConocoPhillips ho Eni tenki hasae nia Local Content, no hasai pratika nebe la beneficia Timor-Leste em jeral. *Politika negosiasaun ida ne'e rezulta iha tinan 5 nia laran iha aumentu local content nebe gasta iha Timor-Leste.*

6) EXPLORASAUN IHA BLOKU OFFSHORE, IHA AREA EXKLUSIVA TIMOR-LESTE.

Iha 2015, TIMOR GAP mos konsege hetan Bloku Offshore ida iha Area Ekklusiva Timor Leste nian nebe hala'o ona Survey Seismico 3D. Survey ida ne'e halo ho Kompania Seismico Marina husi China naran BGP Marine. Kompania ida ne'e Segundo Maior iha mundu konaba Survey Seismico iha tasi laran.

Bloku Explorasaun idane'e nia indikasaun inisial strutura geologika hatudunia *prospetividade ida nebe diak tebes ho indikasaun total estrutura potensial de rekursu bele hetan 500 milloens ate 1 billiaun barrils*. TIMOR GAP agora dadaun hala'o hela prosesamentu ba dadus husi Survey Seismico ne'e antes halo interpretasaun seismiku. Nune'e mos TIMOR GAP sei buka parseiru atu hala'o perfurasaunhodi evita despesas perfurasaun iha TIMOR GAP nia responsabilidade.

7) BLOKU EXPLORASAUN ONSHORE, IHA AREA SUAI-BETANO.

Bloku ba Onshore, TIMOR GAP hala'o ona analiza no investigasaun preliminarja kona ba nia prospect, e hatudo *katak iha potensial de rekursu ida entre 23 milloens to'o 100 milloens barrils liu iha area Suai nian*. Ba ida ne'e, TIMOR GAP agora dadaun iha negosiasaun ho parseiros balun hodi bele halo kontinuasaun ba Survey Seismico e perfurasaun iha tinan 2 k 3 oin mai.

8) DEZENVOLVIMENTO BISNIS/NEGOSIU SELUK SELUK TAN.

TIMOR GAP mos konsege hanti subsidiariu iha ho naran GAP -MHS Aviation nebe hala'o business iha Helikopter services ba Offshore, e fo emprego ba ema servisu natin hamytuk lima nulu resin rua (52) to'o iha Marsu 2016. GAP MHS mos realiza rendimentu balun (aserek de 1

TIMOR GAP

Level 3, Timor Plaza, Suite 301 - 314
Rua Presidente Nicolao Lobato, Comoro
Dili, Timor-Leste
T. + 670 331 0953 F. + 670 331 0952
www.timorgap.com

millaun dollar tinan tinan) mai iha TIMOR GAP. Hahu'u iha inisiu 2016, subsidiariu ida ne'e hahu'u redus nia atividade iha helicopter service ne'e tanba atividade iha Offshore liu-liu iha kampu Kitan nebe la kontinua tanba presu mina nebe la favorese atu kontinua hala'o produsaun iha neba, maibe bisnis ne'e kontinua lao no agora dadaun tender hela ba projetu Bayu Undan nian. TIMOR GAP mos konsege hari'i estasaun petroleum ida iha Suai, nebe'e nia konsege hatama rendimentu balun ba TIMOR GAP maske uituan (aserka de US\$20,000-US\$25,000) fulan fulan.

9) ESKLARESE INFORMASAUN KONABA MINA TIMOR ATU MARAN ONA.

TIMOR GAP mos iha tinan hirak nia laran konsege inventORIZA potential petroleum nebe'e Timor-Leste iha Tasi Timor Ekklusiva, no JPDA, hodi dehan katak Mina Timor seidauk maran! Kampu Bayu Undan mak tur informasaun ConocoPhillips atu maran iha 2022. Maibe TIMOR GAP hamutuk ho ANPM identifika ona kampu "rekursu" petroleum lubuk ida nebe'e sei bele explora iha futuru hototal potencia petroleo hamutuk 12-17 Billioens Barril Oil Equivalent. Husi total ida ne'e, TIMOR GAP nia estimasaun aserka de 6.3 Billioens Barril Oil Equivalente sei bele produs durante tinan 50 oin mai. Hanesan komparasaun deit, kampu Bayu Undan ne'e so iha deit aserka de 1 Billaun Barril Oil Equivalente. Ne'e katak, sei iha potencia rekursu 6 veses duke Bayu Undan, nebe'e ita sei bele produz durante tinan 50 nia laran.

TIMOR GAP fo sujestoens ba Estadu katak, los duni Estadu tenki investe mos iha seitor ekonomia seluk-seluk hanesan Agrikultura, Peskas, no Turismu, hanesan meius ida atu bele habelar fonte rendimentu ba Estadu no reduz dependensia Estadu ba seitor Petroleo deit. Maibe, TIMOR GAP mos sujere katak Estadu mos investe iha seitor Petroleu, tanba seitor nee foin mak hahuu, laos hotu ona. Asvezes bele, iha interes seluk hodi influensia Timor-Leste atu husuk tia seitor ida importante tebes, hodi nunee Timor oan la tau atensaun ba seitor nee, hodi kontinua depende ba interese estranjeirus. Mina Timor seidauk explora hotu, hanesan Greater Sunrise, Kelp Deep, Chuditch, Jahaj-Kuda Tasi, Squilla, Kril, no prospectus seluk seluk iha Area eksklusiva no maran. Explorasaun no produsaun mina sira nee sei lori tempu barak iha tinan hirak ona mai



Level 4, Timor Plaza, Suite 301 - 314
Rua Presidente Nicolao Lobato, Comoro,
Dili, Timor-Leste
T + 670 331 0953 F + 670 331 0952
www.timorgap.com

Tamba neé *Timor-Leste (Estadu)* persija investe iha *Projetu Tasi Mane* to 2.2 Billoens iha tinan 5-10 oin mai, hodi bele hetan iha rendimentus ba *Fundu Petroleu* aserka de US\$ 47 Billoens husi *Upstream* no 16 Billoens husi *Downtream* (tuir *projeksaun nebeé iha*).

10) PROMOVE PARSEIRIAS HO KOMPANIAS INTERNASIONAIS BA INVESTIMENTU IHA PROJETU TASI MANE NEBE'E FINANSIAMENTU SEI LAOS HUSI ORSAMENTU ESTADU.

Durante tinan lima nia laran, TIMOR GAP hamutuk ho entidade governu sira seluk promove projetu Tasi Mane, no halo aproximasaun no negosiasaun lubuk ida hodi forma parserias atu bele Dezenvolve *Projetu Tasi Mane* balun nebe'e nia orsamentu laos mai husi Orsamento Estadu hanesan Refinaria, Pipeline no Planta LNG, no Fabrikasoens, Enginarias no service sira seluk tan.

11) APOIU BA NEGOSIASAUN FRONTEIRA MARITIMA

TIMOR GAP husi inisiu fo apoiu lubuk ida ba prosesu hotu negosiasaun *Fronteira Maritima*. Husi tempu ba tempu, conforme nesesidade, TIMOR GAP fo apoiu hanesan fornesimentu dadus, relatoriu, opiniaun no seluk-seluk tan, inklui haruka ekipa partisipa iha diskusaun oi-oin konaba *fronteira maritima*.

Perguntas 2. Hare husi *Planu Estrategico TG* nia, hatudu katak iha tinan 20 nia laran TG bele halo lukru to'o 23 billiaun de dollar, e tinan 50 nia laran bele halo to'o 60 billiaun de dolar. Hatudu to'ok TG nia servisu ka asaun fase por fase oinsa bele atinji resultadu ida ne'e. Husu TG para bele apresenta assaun actual tinan 2 hanesan ba explorasaun ne'e bele halo to'o iha nebe no nia resultado saida mak bele atinji. (husi Deputado Sr Aurelio Freitas, perguntas relacionados husi Sra Deputada Josefano Sra Deputada Virginia Belo)

Resposta TIMOR GAP

Planu Strategiku TIMOR GAP nian to 2035, TIMOR GAP sei hetan lukru/akumulasaun Cash Flow, to 23 Billoens Dolares no 60 Billoens iha 2050, ne'e tuir *projeksaun* katak iha area *Upstream*, iha tinan 2023, pelo menus TIMOR GAP iha Bloko Explorasaun 14, no Bloku ida komesa ona iha faze produsaun (e.g

TIMOR GAP

Level 3, Timor Plaza, Suite 301 - 314
102 Presidente Nicolau Lobato, Conuro
Dili, Timor-Leste
T. + 670 331 0953 F. + 670 331 0952
www.timorgap.com

Bloko PSC 11-106), depois sei iha aumentu bloko explorasaun tinan tinan 2 to tinan 2033 hodi sai Bloku Explorasaun hamutuk 21 (inklusi blokus internasional), no Bloku iha faze Dezenvolvimentu hamutuk 3 iha 2021, no bloku iha faze Produsaun hamutuk rua iha 2025. Nuneé, mos ida **area Downstream**, projeta katak Greater Sunrise sei hetan solusaun hodi bele dezenvolve ona iha 2020, no tama produsaun iha 2025, no Refinaria komesa ona iha produsaun iha 2020/2021. Iha area, Services nian, Suai Supply Base komesa ona operacional iha 2020.

Asaun actual tinan-tinan mak, desde tinan 2013, TIMOR GAP komesa ona **investe iha Upstream**, liu husi involvimentu iha explorasaun Bloku JPDA 11-106. Nuneé to tinan 2016, Konsege ona iha Bloku explorasaun minimu 3, Nuneé mos iha tinan hirak oin mai sei aumenta bloku explorasaun sira neé iha Onshore, Offshore, JPDA no internasional. Hanesan temi iha leten, husi explorasaun sira neé TIMOR GAP ho nia parseiru sira konsege ona identifika Prospects Jubuk ida ona atu iha tinan hirak oin mai atu halo perfurasaun. Prospek ida mak iha JPDA 11-106 nebee atu halo perfurasaun iha 2017 nia potencia rekursu bele liu 100 millioens barrils (ekivalen ho valor monetariu 5 Billioens Dolares), Prospek ida seuk mak iha area raimaran iha Suai aserka de 23- 100 Milloens Barrils ka liu (ekivalen ho valor monetariu 1.5-5 Billioens), no Prospek rua seuk iha area Eksklusive Offshore 500-1000 Millioens Barrils (ekivalen ho valor monetariu 25-50 Billioens).

Iha Area Downstream nian, TIMOR GAP em nome de Governu Finaliza ona estudus lubuk ida, no agora tama ona iha faze atu halo Final Investment Decision ho parseirus potensial atu investe iha Refinaria, no hein hela negosiasaun konaba Fronteira Maritima atu bele mobiliza mos parseiru ba investe iha Pipeline no Planta LNG.

Neé hatudu katak, tinan-tinan TIMOR GAP tao asbens konkretas atu bele realiza nia Planu Estrategiku no Negosiu nebee trasa iha ona

TIMOR GAP

Level 3, Timor Plaza, Suite 301 - 314
Rua Presidente Nicolao Lobato, Comoro
SOBI, Timor-Leste
T + 670 331 0953 F + 670 331 0952
www.timorgap.com

Perguntas 3: Resultado husi studo viabilidade ba Impaktu Ambiental ba Projetu Betano Refineria (Deputada Sra Angelina Machado e Sra Florentina Smith)

Resposta TIMOR GAP

Rezultadu estudu tekniku viabilidade Projetu Refineria Betano nian, hotu tia ona desde 2014. Estudu ne'e detailiu tebes, to iha faze Front End Engineering Design (FEED). Ne'e katak estudu ikus liu nebee teknikamente persija halo antes tama ba faze Final Investment Decision hodi ba halo konstrusaun. Kopias Rezultadu Estudu ne'e haruka ona ba Ministeriu Petroleu, Premeiru Ministro, Ministeriu Planeamentu/ADN. Konklosaun, katak teknikamente bele hari Refineria iha Betano ho kapasidade 30.000 barril pur dia. Iha 2015 to 2016, Estudu Meiu Ambiente hala'o ona tur legislasaun Timor-Leste no praktika /standard internasional. Iha Junu tinan ida ne'e TIMOR GAP submete ona Relatoriu Estudu Meiu Ambiente ne'e ba Ministeriu Tutela ba Ambiente no ANPM, hodi bele halo avaliasaun no aprovasaun hodi fo licensa ambiental.

Perguntas 4. TIMOR GAP nia planu annual 2017 iha pontu ida hateten katak "Dezenvolvebusiness balun atu hetan bloku idaka rua iha Cuba". Tanba sa mak tenke ser Cuba? Tansa la iha JPDA nia laran deit tanba hare iha neba area barak mak seidak dezenvolve (Sra Deputada Fernanda Lay)

Resposta TIMOR GAP

Maske iha tempu oin mai, tur Planu Strategiku, TIMOR GAP mos persiza participa explorasaun balun iha rai liur karik iha oportunidade no la implika orsamentu boot ba TIMOR GAP, hodi bele aumenta numeru bloku explorasaun ka portofolio explorasaun TIMOR GAP nian. Tan ne'e iha 2016, iha aproximasaun husi kompanhia balun nebe iha ligasaun ho Cuba atu hala'o explorasaun ba kampu rua nebe TIMOR GAP bele atu participa. Maske mun'e, bloku sira ne'e rasik seidak garante atu hala'o kedat explorasaun. Tur planu, TIMOR GAP tau orsamentu bintuan US\$ 100,000 hodi bele halo analiza teknika no negosiasaun balun hodi prepara ha akizesaun (asegura) bloku tna futuru. Prosesu ne'e rasik bele lori tinan ida ka rua. Prosesu akizesaun Bloku Explorasaun ida la fasil, maske mentas iha nasau estrangeiru, TIMOR GAP iha



Level 8, Timor Plaza, Suite 301-314
Rua Presidente Nicolau Lobato, Comoro
Dili, Timor-Leste
T + 670 331 0953 F + 670 331 0952
www.timorgap.com

vantajem tamba Timor-Leste ho Cuba iha relasaun Bilaterias diak, nuneé hetan atendimentu to ohin loron diak husi autoridades Cuba ba iniciativa neé.

Perguntas 5. Parlamentu Nasional simu ona resultado auditoria husi Tribunal/Camara das Contas e nota ona rekomendasun balun ba TIMOR GAP. Assaun saida mak TIMOR GAP halo ona ba rekomendasaun hirak ne'e(Sra Deputada Fernanda Lay no Sr Deputado Francisco Branco).

Resposta TIMOR GAP

Rekomendasaons hirak nebe mak Tribunal/Camara das Contas hasar ba relatorio annual 2011/2012, TIMOR GAP hato'o ona nia resposta e halo ona komitementu atu halo tuir rekomendasaons hirak ne'e, e agora dadaun komesa hadi'a ona pontus importante balun mak hanesan tuir mai ne:

- 1) Adiantamentu Cash Advance. Tuir rekomendasaun, TIMOR GAP halo dadaun revisaun ba prosedimentu cash advance nebe mak iha hodi bele regulariza diak lju tanprosesu ka sistema pagamentu no nia liquidasaun nebe tuir prazu. Iha Setembru tinan ida neé Konsellu Administrasaun hasai ona Resolusaun ida hodi halo revisaun ba prosedimentu Cash Advance no halo tuir rekomendasaun Camara das Contas
- 2) Adiantamentu Salariu. Camara das Contas nia opiniaun adiantamentu salariu (salary advance) ne la los e tenki hapara! TIMOR GAP simu rekomendasaun ne'e hodi hapara kedas adiantamentu ida ne'e komesa husi data TIMOR GAP simu notifikasaun husi Camara das Contas. Resolusaun husi Konsellu Administrasaun mos hasai ona hodi hapara kedas adiantamentu salarial.
- 3) Aprovasaun ba Relatorio Annual e Contas TIMOR GAP nia. Tuir rekomendasaun Camara das Contas katak Relatorio Annual no Contas TIMOR GAP nia tenke submete ba Ministerio Finanzas hodi hetan aprovasaun TIMOR GAP nota ona rekomendasaun ida ne'esei hatu tuir ba relatorio annual 2016 no orsamentu annual 2017



Level 3, Timor Plaza, Suite 301 - 314
Rua Presidente Nicolao Lobato, Cornore
Oil, Timor-Leste
T. + 670 331 0953 F. + 670 331 0952
www.timorgap.com

- 4) Publikasaun Relatoriu Annual no Contas TIMOR GAP nian tenki tau iha Jornal da Republika no Internet. TIMOR GAP komesa hahuu halo publikasaun ne'e desde simu rekomendasaun husi Camara das Contas.
- 5) Nomos, rekomendasoens sira seluk seluk, TIMOR GAP implementa dadaun hela

Perguntas 6. TIMOR GAP iha divida bot ida ba Kompania Chinesa ho montante 11 milloens. Tansa divida ida ne'e mosu?(Deputada Sra Maria Angelica Rangel, no mos perguntas similante husi Deputada Josefa)

Resposta TIMOR GAP

TIMOR GAP iha Akordu Komersial ida ho kompania Chinesa naran BGP Marine, ne'e kompania Seismic tasi laran nian nebe'e Segundo boot liu iha mundu, no iha ekipamentus spesialijadas ba survey 3-D seismic. Iha 2015, Governu mos entrega Bloku Explorasau ida iha area eksklusiva Timor-Leste nian, nebe'e tuir dadus anteriores prospektivu. Tan ne'e, TIMOR GAP, komu laiha orsamentu suficiente atu halao survey 3-D seismic, halao Akordo Komersial (ke normal iha natureza bisnis hanesan kompania) ho BGP marine, hodi bele halo survey ne'e uluk lai hamutuk, depois mak hamutuk sei faan dadus/informasaun husi 3-D ne'e ba kompania hanesan SHELL, EXON-MOBIL-ConocoPhillips ka seluk seluk tan, depois mak sei fahe lukru. Ida ne'e akordu komersial normal ida nebe'e kompania sira halo. Iha akordo ne'e tamba area survey ne'e iha Timor-Leste nian, TIMOR GAP ho BGP Marina sei fahe kustus no lukru 90:10. Kustus Survey hamutuk mais ou menus 11 Milioens, nune'e TIMOR GAP sei responsabiliza hodi selu kustus aserka de 9.9 Milioens iha tinan 3 nia laran. Dadus 3-D seismic ne'e importante tebes, tamba iha area eksklusiva Timor-Leste nian iha zona ida nebe'e geologikamente bo'u naran "sub-thrust" play. Iha prospek rua nebe'e identifikadu ona, nebe'e ho dadus 3 D seismic ne'e bele prova katak prospek rua ne'e iha duni ka laha. Sei ha bele avansa ba perfurasaun/drilling iha future

Perguntas 7. Membro Konsello Administrativo TIMO GAP nian nain rua (2) nebe mak fo fali kargu hanesan Managing Director iha TIMOR GAP nia Kompania Subsidiariu. Tanba sa mak tenke sira? Timor oan barak hasai kursu ona nusa mak tenki sira deit? (Deputada Sra Maria Angelica Rangel)

Resposta TIMOR GAP

Konsellu Administrasaun foti desizaun hodi nomea Sr Dino Gandara Rai ho Sra Norberta Soares ba pozisaun Managing Director ba Subsidiariu rua, hanesan TIMOR GAP Offshore Block ho TIMOR GAP Onshore Block, tamba, ba kazu ida neé, sira rua mak iha kompetensia suficiente laos deit abilidade akademika, maibe mos experiensia teknika no manejerial (tinan 4 hamutuk ho TIMOR GAP iha nivel Konsellu Administrasaun, nuneé komprende didiak servisu no orientasaun no planu strategiku kompania nia). Alemde ida neé, sira nain rua mos iha experiensia professional seluk hanesan, Sr Dino, servisu tinan barak iha Eropa, Afrika no Australia, Graduadu iha Area Geologia husi Universidade Trinity College.– Irlandia; Senora Norberta, Graduadu iha Area Geologia husi Universidade Coimbra-Portugal no uluk Diretor iha Ministeriu Petroleu. TIMOR GAP, valoriza tebe-tebes, Timor oan sira nia kapasidade no experiensia, no aloka ema neébe apropriadu ba area nebeé loss, ho prinsipiu “the right man/woman in the right place”. Ho prinsipiu ida neé mos mak, TIMOR GAP buka tuir engineeriu Timor oan ida hanesan Sr Antonio de Sousa (Homen), nebeé uluk servisu iha Paris no UK tinan barak, hodi bele mai kaer kargu Vice-Presidente no Chairman ba subsidiariu TIMOR GAP Seismic Services. Portantu, nomeasaun Konsellu Administrasaun neé normal tamba nia knar mak atu bele jere TIMOR GAP hodi bele atinji nia objektivu bisnis ho diak no eficiente. Konsellu Administrasaun iha nomeasoens neé mos konsidera, faktore “work load”. Sira nebeé iha “work load” barak ona, fo fali ba sira nebeé seidak iha “work load” barak. Sr Dino Gandara, Sra Norberta, Sr Homen (Antonio), hanesan membru Konsellu Administrasaun iha momentu nebaá sedauk iha “work load” barak, entaun ami deside, sira kaer mos portofolio subsidiarius.

TIMOR GAP iha sistema jestaun kareira (“career management system”), nebeé rekruta engineerius no profesionais tama tenki tuir kareira professional neé lai, neneik mak to'o iha poziasaun jestaun/gestores (por exemplu, engineeru petroleu/geologo foin graduaduida nia sei liu lai Junior Profesional, depois liu mak ba kategoria Profesional, depois mak Senior Professionals). Nuneé, maske iha graduadus Timor oan barak ona iha area Geologi, Ingneriu Petroleu, maibe sira rekrutadu atu halo lai servisu teknikus, no

TIMOR GAP

Level 3, Timor Plaza, Suite 301-314
Rua Presidente Nicolao Lobato, Comoro
Dili, Timor-Leste
T + 670 331 0953 F + 670 331 0952
www.timorgap.com

sedauk bele kaer kedas pozisaun Jestaun, hanesan Chairman, Managing Directors, Executive Directors, no Board Member ba Subsidiarius, sei persija tempu no neneik.

Perguntas 8. Aumenta subsidiarios impaktu ba orsamentu TIMOR GAP nia sai lato'o hodi kobre operasional TIMOR GAP nian rasik? Nusa mak TIMOR GAP tenki deve husi subsidiariu GAP-MHS Aviation? (Deputada Sra Maria Angelica Rangel)

Resposta TIMOR GAP

Tuir Lei Petroleu no Production Sharing Contract, ezize katak antes atu tama ba kontratu PSC, Kompania inan (TIMOR GAP, E.P.), tenki harii subsidiariu mak bele asina kontratu PSC. Nune'e mos, Lei Estatutu TIMOR GAP permite TIMOR GAP estabelese subsidiarius. Tan ne'e, mak TIMOR GAP tenki duni harii subsidiarius sira ne'e hodi bele implementa nia bisnis/negosio nebe'e, tuir lei, tenki liu husi subsidiarius.

Natureza, bisnis TIMOR GAP mak hanesan ne'e duni, azveses iha planu hotu ona, maibe oportunidade bisnis nebe'e diak ba TIMOR GAP (Timor-Leste) nian prezenta aan iha tempu nebe'e la antisipadu. Iha momentu sira hanesan ne'e, TIMOR GAP la bele hein to tinan oin mak foti oportunidade ida ne'e. Tan ne'e, bele akontese katak iha tempu ruma orsamentu TIMOR GAP nia la to'o hodi bele finansia investimentu iha oportunidade sira ne'e. Kazu konkretu iha 2016, TIMOR GAP tenki investe iha subsidiariu TIMOR GAP Offshore Block, hodi bele aseguara ekusaun survey 3-D seismic hamutuk ho BGP Marine. Tamba, investimentu ne'e (investimentu ida ke aban bainrua sei selu fila fali), TIMOR GAP tenki empresta nia subsidiariu ida seluk naran GAP-MHS Aviation. Depois de TIMOR GAP hetan rendimentus fali mak fo fila fali emprestimo iha subsidiariu GAP-MHS. Ida ne'e mak, funsaun Kompania inan (Holding Company hanesan TIMOR GAP, E.P.) nia tenki iha kapasidade mobiliza rekursus husi fatin idaba fatin seluk hodi bele halao nia bisnis, maske iha limitasoens orsamental lubuk ida. Kazu kontrariu, bisnis sei la lao, tamba TIMOR GAP tenki hein far siklu orsamental Estadu nebe'e tori peio menus fulan neen to tinan ida.



Level 3, Timor Plaza, Suite 301 - 314
Rua Presidente Nicolao Lobato, Comércio
Dili, Timor-Leste
T. + 670 331 0953 F. + 670 331 0952
www.timorgap.com

Perguntas 9. Estasaun mina TIMOR GAP tansa mak tenke hari fali iha Suai se na realidade iha Suai rasik iha ona estasaun mina husi kompania privado nebe nia distancia mos la dok husi fatin nebe TIMOR GAP hari nia estasaun ba. Ho kondisaun ida nune'e oinsa TIMOR GAP faan nia mina, ho presu hira kompara ho kompanhia privado ne'e? (Sra Deputada Josefa)

Resposta TIMOR GAP

Objetivu hari Estasaun Mina iha Suai, para alemdeatu atinji TIMOR GAP nia planu hari Estasaun Mina iha teritorio nebe iha kualidade no tuir standard internasional nia, TIMOR GAP mos hare katak demand/prokura ba mina iha Suai agora dadaun komesa aumenta tanba iha konstrusaun ba projetu bot balun mak komesa la'o dadaun iha distritu neba. Ho razaun ne'e TIMOR GAP hanoin katak mezmu iha ona estasaun mina husi kompanhia privadu, TIMOR GAP sei bele compete ho folin nebe kompetetivu no bele mos atu responde demand/prokura ba mina nebe mak sei aumenta liu tan iha future. Exempulu dert, iha fulan fulan TIMOR GAP bele hetan aserka de 20-25,000 dolares husi estasaun ida ne'e antes kustus. Ida ne'e hatudu katak mazke kiik, osan tama ointuan ointuan ona husi bisnis sira hanesan ne'e. TIMOR GAP iha planu atu harii tan iha Oekusi, no distritu sira seluk.

Perguntas 10. Tansa TIMOR GAP harii fali stasaun mina nebe nia skala business ne'e konsidera ki'ik e la dun bele hafu lukru ba kompanhia. Tuir lolos TIMOR GAP tenke foti business nebe hanesan hatama mina mai iha teritorio hanesan mos hatama mina ba planta EDTL iha Suai por exemplu. Tansa ida ne'e fo fali ba kompanhia privadu sira mak kaer?(Sr Deputado Adriano Nascimento).

Resposta TIMOR GAP

TIMOR GAP rekonhese katak business Estasaun Mina ne'e nia skala ki'ik, maibe ida ne'e mos fas parte TIMOR GAP nia business nebe tuir mandatu haruka. Maske nia skala ki'ik agora maibe TIMOR GAP asegura ona espasu ka fatin nebe suficiente hodi bele aumenta storage tanki balun hodi antisipa foresimentu mina ba projetu bot nebe sei hafa'o iha future hanesan projetu SSB, e bele mos fornese ba retailer estasaun mina seluk iha area neba

TIMOR GAP

Level 3, Timor Plaza, Suite 301 - 514
Rua Presidente Nicoláo Lobato, Comoro
Dili, Timor-Leste
T. + 670 331 0953 F. + 670 331 0952
www.timorgap.com

Pergunta 11. Tansa TIMOR GAP to'o agora seidauk iha planu konkreta ruma atu hari'i nia eskritorio rasik, propriedade governu nia iha fatin balun iha Dili mamuk hela, e tansa TIMOR GAP la utiliza propriedade hirak ne'e balun. Renda TIMOR GAP nia ba Timor Plaza ne'e kada fulan hira? (Deputado Sr Adriano Nascimento).

Resposta TIMOR GAP

TIMOR GAP iha ona komunikasaun ho Sekretariađu Terras e Propriedades, hodi identifika ona fatin balun nebe mak sei mamuk hodi hari'i eskritorio. Agora dadaun sei diskuti hela orsamentu ba hari'i eskritorio ne'e, e planu tinan oin sei submete ba orsamentu geral estadu.

Renda kada fulan ba TIMOR GAP nia Eskritorio husi Outobru 2016 mak aserka US\$ 24.7/m2/fulan. TIMOR GAP uja aserka 2000 m2 area ba nia eskritorio.